



Daifim

An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com



Khua a that rin a ni.
Temp - Max: 32°C Min: 22°C
Dar 4:39-ah ni a chhuak ang a,
Tlai Dar 5:53-ah a tla leh ang.

Vol - VI Issue No. - 16

- Tomir Thla -

10th May, 2020 (Pathianni)

Tunkar chang vawn : Jona 1:6
"Lawng hotupa chu a hnênah a lo
kal a, 'Engtiziaa lo muhîl reng nge
i nih? Tho la, i Pathian au ve rawh,
ani chuan kan borol loh nân min
ngaihtuah mahna,' a ti a."

TUALCHHUNG CHANCHIN

☛ Pu H. Lalmuanpuia, Ch-sect,
chu Aizawlah a inentirin a kal a,
Tomir thla ni 18 ațangin
Radiation an ti țan dawn a, wavi
35 hem a ni dawn ni a hriat a
ni. Tluang tak leh dam taka an
inenkawî kan duhsak e.

☛ Pu Tlanglawmthanga, Ch-
sec-tion, pawh Chemotherapy
tiin Aizawlah a kal a. tluang taka
lo haw thlain, kar leh lamah tih
chhunzawm leh tur ni a hriat a
ni. Tluang tak leh dam taka an
inenkawî kan duhsak e.

Covid-19 chungchanga Khuangpuilam VLTF thuchhuah

Tomir thla ni 17, 2020
thlenga lockdown kalpui chhun-
zawm tur a nih angin he mi hun
chhunga zawm tur Khuangpuilam
VLTF chuan a hnuaia mi ang hian
a siam :

1. Khawlaiah leh hmun khatah mi 5
ai tam awmkhawm phal a nilo.
2. Tulbik thilah lo chuan mahni in
leh lo chhuahsan loh tur a ni.
3. Zan dar 7:00 ațanga zing dar 4:00
inkar chhung pawn chhuah khap
a ni a. Duty te leh DC in phalna a
pek te chauh chhuah theih a ni.
4. Upa lam kum 65 chin te, hrisel
lohna bik nei te, naupai te leh
naupang kum 10 hnuaia mi ang hian
chu pawn chhuah loh hrim hrim
tur a ni.
5. Damdawiin leh khawlaia chhuak
tur reng reng in maskan vuah vek
tur a ni.
6. Khawlaia chil chhah khap tlat a
ni.

DC ațanga Lockdown 3.0
inkaihhraina hmuh a nih angin
Khuangpuilam Village Level Task
Force te chu ni 8 May, 2020
(Zirtawpni) ațang khan an duty
leh țan a ni.

Thu i zawm țheuh ang u.

Khuangpuilam Village Level Task Force-te'n Ruahmanna tharin Lockdown kalpui zel dawn

Dated Khuangpuilam, the 10th May, 2020 (Pathianni) :

Tomir thla ni 4, 2020 (Thawhtanni) tlai 3:30 khan Khuangpuilam
VLLTF-te chuan BNRGSK Hall-ah an țhukhawm a. Chairman, Pu Robert
VL Hruaia'n committee a kaihrui a, țhutkhawm neih chhan leh Joint
Task Force Meeting neih chungchang a sawi hnuin țawngtai turin Pu F.
Lalbiakliana a sawm a, thurel țan a ni.

Report : Secretary, Pu Lalremsiama Varte hnen ațangin Committee
agenda bakah Jt Task Force meeting thurel hriattur pawimawh leh
bawhzui ngai chi te report ngaihthlak a nih hnua Vice-Chairman, Pu
HD Daniela'n Task Force sum dinhmun hetiang hian report a pe.

Sum lut zawng zawng - ₹ 1,88,221/-

Hman zawng zawng - ₹ 91,151/-

Balance - ₹ 97,070/-

Thurel te : **Duty chungchang leh țuldangte** : Khuangpuilam Task
Force Committee chuan District Level Committee, DC hova meeting
thuchhuah ngaihchan phawt ni se a ti a, tun dinhmunah chuan chhûn
zan zawm a duty neih țhin chu tihtawp rih ni se a ti a. Țul bik leh
emergency thil a awm anih chuan hruiatuten volunteers-te kohkhawm
mai ni se tih a ni.

Chutihruah chuan vengchhunga whatsapp group leh FLS-ah mipui
te fimkhur a țuldan te a khat tawkin sawilan/puan ni se ti a ni bawk.
Zan dar 7 hnu lamah chhuah loh tur.

Inlenpawh loh tur

Dan kalh a awm te Lêi chawi theih a ni ang.

Duty chawlh lailawk chhunga thil pawimawh ngaihtuah ngai,
chhuanchham leh mi harsa report-te a awm anih chuan heng mite hi a
ngaihtuatu atan ruat an ni.

Chairman : Pu Robert VL Hruaia, 9774495781/9366151768

Vice Chairman : Pu HD Daniela, 9863212083/8837206466

Secretary : Pu Lalremsiama Varte, 9862327112/7005612573
(Mipuite pawn a chunga mi te hnenah khian report țhin ni se.)

Duty post atana hman te hnenah lawmthu sawi nan sumfai tlem azawng
pek ni se tiin rel a ni bawk.

Bazar Chungchang : Khuangpuilam BNRGSK Hall kawta Task
Force ten Bazar an siam țhin chu neih chhunzawm tura ruahman a ni
a. Bazar hi Thawhlehi leh Inrinni chawhnu dar 2 ațanga dar 5 inkarah
neih țhin tur a ni. Bazar a țhu turte'n rate pangngaia zawr tur a ni.

Lawmthu sawina : Task Forces Committee chuan vengchhung
mipui tlawmgnai leh țahnemngai ten duty-na hmun a Ei leh In min
petu zawng zawngte chungah thinlung takin lawmthu a sawi a. Tin,
Task force leh mi harsate tan a sum leh pai min petu mi țahnemngai
zawng zawngte chungah lawmthu a sawi tak meuh meuh bawk a ni.

Tin, vengchhung mipui ten man mân zawk a kan lei theih nan
leh inhlawhna atan a sangha dil sah min phalsak Pu JH Zahluna chungah
Task Force hruiatute chuan lawmthu a sawi bawk a ni.

Covid-19 chungchanga lei chawi theihna te

Mizoram Sorkar thuchhuah (Gazetted) hmanga Covid-19 chung-
chang a Leichawi theih dan hrang hrangte :-

1. Mask vuahlo (vantlang hmunah) - ₹ 100/-
2. Social Distance maintain lo (vantlang hmunah) - ₹ 200/-
3. Vantlang hmuna chilchhak - ₹ 300/-
4. Phalna nei lova inhmukhawm emaw inkhawm (kohhran thilah) - ₹ 5,000/

(☞ Phek 4-na)

YMA chu țanpui ngaite țanpuitu a ni. – YMA Kumpuan : Zirna uar

Editorial Board :

Represent: Pu Rotlingpuia
 Editor: Pu Ricky MS Dawngzela
 Jt. Editor : Pu Lalsiamkima
 Treasurer: Nl. Florence Zoremsangi
 Cir.Manager : Tv. Samuel Lalpekhlua
 Contact No: 9862501858 / 9612691291
 9612761781 / 7005494983

FLS Station - 9612566886

Chawngbawla Section

Leader : Pu F. Lalbiaksanga
 96121 55162
 Secretary : Tv. R. Lalnuntluanga
 82599 60032

Vanapa Section

Leader : Pu Lalchualova
 87300 99599
 Secretary : Tv. Lallawmzuala
 87875 41803

Khuangchera Section

Leader : Pu Lalramzaaua
 76408 95924
 Secretary : Pu Zachungnunga Hrahse
 76299 69989

Editorial.....

Remna Lal zuitu inrem hlei thei lo te, mahni inhmangaih anga vengte hmangaih chungchang zirtirna thupui bera hmang chungang vengte mai pawh nilo chungte, thiante thlenga thik kan pena lutuk hi chu a fuh chiah lo deuhin a lang!!

Tin, mahni aia midang tha zawka ruat tura min zirtir hian mahni inhmusa, midangte chung en reng lam ni lovin mahni ngaih dan chauh thaa hria, thuduh lo tura min zirtir nan kan aia midang thaa ruat thiam turin min zirtir a nih hmel a. Chuvangin, kan aia hre lo, thiam lo leh fing lo zawk pawh kan ngaih pawimawh tel a, zaizap taka nun chhiar turin min duh a ni.

Chumi a nih avangin, kan ngaihdan, duhdana thil a kal loh pawhin zaizap takin siam that kan tum zawk tur a ni a. Siam that kan tum dan erawh uluk tak leh fing taka ngaihtuah a tha hle. Siam that tum reng siin tha chhuak hleithe lovin kan sawp chhe ve viau thei a nia.

Mi i sawisel emaw, an thatna tur i duh tak tak a nih chuan anmahni ngei hnena a ruk thei ang berin titipui emaw hrilh hi a finthlak. Midang hriatah i that lohna sawi lung lung i duh bik chiah em? I that lohna phawrhfai sak leuh i duh bik ang em? **Dik tak chuan kan chak lohna avanga tawngtaipui kan duh pawh hian Inkhawmna hmunah midang hriat laia intawngtaipui lung lung aichuan an pindana a ruktea min tawngtaipui hi kan duh a rinawm zawk.**

Hei hi inzawh thin a pawimawh. Mi an chaklohnaa tanpui a, tihchak ka tum tak tak nge mi chaklohna hailan sak ka chak a, ka phawrh mualpho zawk. An chaklohna hmanruaah hmangin lawm ru tak chungin a ruk takin anmahni ka bei zawk?!!

Branch YMA Office Bearer

President	Secretary	Treasurer
Pu HD Daniala 9863212083	Pu Lalremsiama Varte 9862327112	Pu David lalrosanga 9436158962
Vice President	Assistant Secretary	Financial Secretary
Pu S. Lalthangliana 8787326114	Nl. Florence Zoremsangi 9612761781	Pu Rotlingpuia 9862385193

No. CYMA 74/2019-2020/10 of 7.5.2020
 CENTRAL YOUNG MIZO ASSOCIATION
 MIZORAM : AIZAWL
CENTRAL YMA THUCHHUAK

Central YMA Executive Committee meeting May 7, 2020
 chhun dar 12:00-a neih chuan Hripui (Covid 19) dona kawnga Sub-Hqrs./Group/Branch YMA hrang hrangte hmalakna thlirhovin, hmalaknaah lawmthu a sawi a ni. Hripui kan do mek hi ziaawm lam aia nasa chho zel niin a lang. India ram bikah pawh a ni telin he hri vei hi kan pung chho mek zel bawk a ni. Hengte a nih avang hian hripui dona kawnga chak zawka hmala turin kan inngen nawn leh a ni.

1. Hripui venna kawngah Sub-Hqrs./Group/Branch YMA-te khauh zawk leh kan huamchhung ngun lehzuola vil zui zel turin.
2. Kan huamchhungah hnamdang mikhual hmundang atanga lo lut an awm loh nan veng/khaw tinte inchian thar ni se.
3. State pawn atanga mamawh ei leh bar leh a dang lo lutte felfai taka lo lut a nih leh nih loh chian a, mimal sumdawnna leh hlawkna um ringawt avanga lo lutte khuahkhirh a nih theih nana tan lak ni se.
4. Mipui mimir ten hripui laka kan him tlanna tur - kut silfai, hmai tuam leh inhlat taka awmte zawm that ni se. A tul hle a nih loh chuan pawn/khawlai chhuah loh ni se, mithiam zawkte thu leh hla ngaihchan thiam ni se.
5. Hmundang atanga lo haw sawrkar thupeka khung hran turte, khunghran an nih ngei theih nan hmalak ni se.
6. Hripui leng avanga thil man to khuahkhirh a nih theih nan hmalak a, thuneitute thawhpui thiam ni se.

Hripui venna kawnga thawktu zawng zawngte chungah Central YMA chuan lawmthu a sawi a ni.

YMA vul zel rawh se.

Sd/-
 Prof. Lalnuntluanga
 General Secretary,
 Central YMA.

Memo No. CYMA 74/2019-2020/10
 Dated Aizawl the 7th May, 2020

CYMA hmalakna

23.3.2020 : Covid-19 hrileng avangin Lockdown puan a ni a, Central YMA Office, Central YMA Offset Press leh Sub-Hqrs. YMA Office te khar a ni.

15.4.2020 : Covid-19 hrileng avanga ramria duty-te tlawhchhuaka a tul anga tanpuinate hlanin CYMA OB leh CEC member te an fehchhuak.

23.4.2020 : Covid-19 hrileng avanga ramria duty te tlawhchhuaka a tul anga tanpuinate hlanin CYMA OB leh CEC member te an fehchhuak.

5.5.2020 : Lockdown avanga CYMA Office, CYMA Offset Press leh Sub-Hqrs. YMA Office khar chu hawn tan leh a ni.

- Chief Secretary Pisa-ah Covid-19 hrileng vanga ramri vengtute duty dan thlirho meeting neih a ni a, CYMA OB te an tel. Meeting zawh hian Health Minister chu a Pisa-ah CYMA OB te hian an kawm nghal a, hrileng mek chungchanga thil pawimawh hrang hrangte an sawipui.

Task Group on Commodities & Transport hmalaknate

(as on 7th May, 2020)
 No.893/2020-2021

1. Ni 7 Ṭomir thla, 2020 khan PMG-KAY hnuaia AAY leh PHH card neitute hnena a thlawna dal semtur chu Supply Deptt. Truck hmangin District hrang hrang tan hetiang hian thawnchhuah a ni :

Aizawl West District - 34.43 Qtls
 Serchhip District - 44.41 Qtls
 Lunglei District - 75.93 Qtls
 Mamit District - 56.53 Qtls
 Kolasib District - 119.04 Qtls
 A vaiin - 330.34 Qtls

2. Hripui laka invernna atana Buichali a Temporary Supply Check Gate siam pawh tluang taka kalpui chhunzawm zel niin vawiin tlai dar 4:00 thleng khan buhfai phur truck 79 din lailawktir an ni. Heng truck te hi a tahtawlin chhuahtir chhunzawm zel an ni ang.

*Blade hi hriam hle mahse thing kih nan chuan ahman tlak miah lo; Hreipui hi khawng hle mahse hmul ziah nan erawh ahman tlak leh miah lo thung.
 Mitin hian pawimawhna kawng hrang hrang kan nei a, an pheikhawk i en duh anih ngawt loh chuan tumah hi en hniam ngawt suh.*

Thu awih harsa ti apiang hi a bengchheng chheng leh vui hrat ber ber an ni duh chawk.

Mizoram sawrkarin Inkharkhip ruahmanna a duan bawhzuina turin Kolasib DLTF on Covid-19 chuan inkaihhraina dan siam

Mizoram sawrkarin ni 4 May, 2020 leh ni 17 May, 2020 inkara Mizoram chhunga Lockdown kalpui dan tur thupek a chhuah bawhzuin Kolasib District chhunga kalpui dan tur District Level Task Force-in ni 5 may, 2020 khan hetiang hian ruahmanna siam a ni.

I. Mipui pawn chhuah chungchang :

- 1) VLTF-te'n mahni huamchhung theuhah mipui pawn chhuakte'n social distance an zawm ngei a ni tih an enfiah thin ang. Entirnan; mipui kalkhawm, dawrhmunna mi awmchhawm tamna tur, chhiatni thatni leh puipunna dang huaihawt chungchang leh tuldang apiangah sawrkar thupek a taka kalpui a ni em tih an enzui ang.
- 2) Mipui pawn chhuak apiangin Social Distancing tha takin an zawm tur a ni a, mask (hmaituamna) pawh vuah vek tur a ni ang. Hei hi VLTF te'n zawm a ni ngei em tih an enfiah thin bawk ang.
- 3) Kolasib, Vairengte, Bairabi leh Kawnpuibikah Joint VLTF-in mobile team a din ang a. Mobile Team-te veng tina VLTF duty-na bakah khawchhung hmun hrang hrangah sawrkar thuchhuak zawm a ni em tih an enkual thin bawk ang.

II. Bungraw zawrh tur lak chungchang :

- 1) Bungrua chahlut tur reng reng chuan mahni veng VLTF te theuhah in report tur ani ang.
- 2) Bungrua hlanthlak (unload) tur nei reng reng chuan VLTF hnenah in report tur ani ang a, VLTF te enpuina hnuaiah hlanthlak chauh tur a ni ang.

III. Dawr hawn leh Bazar chungchang :

- 1) Sawrkar thuchhuah angin dawr leh bazar reng reng tlai dar 5:00 hnuaiah hawn phal a nilo.
- 2) Sawrkarin ruahmanna a lo siam tawh angin VLTF tin te'n mahni area chhunga dawr in hawn chhawk dan turah ruahmanna an siam ang.
- 3) VLTF tinin mahni veng theuhah chawhmeh bazar an buatsaih ang a. Veng thenkhat bazar siam rem lo tan an veng bulhnaia VLTF bazar nei te nen inbe rawnin ruahmanna an siam thei ang.
- 4) Dawr/Bazar a kal tur te'n social distancing tha takin an zawmtheih nan VLTF-in ruahmanna a siam anga, chu chu zawm ngei a ni tih an enfiah thin bawk ang.

IV. Motor tlan dan chungchang :

- 1) Sawrkarin ruahmanna alo siam angin odd-even (nambar kawpkim leh kawpkim lo) angin intlan chhawk tur a ni ang. Tul bik thilah erawh DC Office bakah Zonal Magistrate te'n SPECIAL PERMIT pek theih a ni ang.
- 2) Sawrkar hnathawk duty-a chhuakte chuan an motor-ah duty an ni tih hriatna turin lehkhah an tar anga (Deptt. seal chhu telin), Department ID an nei ngei tur a ni bawk ang.
- 3) Commercial Vehicle leh Mimal motor-ah (Two-wheeler telloin) pawh passenger chuang thei atanga 50% chauh phurh phal ani ang. Tul bik thilah erawh DC Office bakah Zonal Magistrate te'n 50% aia tam chuan phalna an pe thei ang. Motor pakhata khat lutuk a chuan erawh phal a nilo.
- 4) Bungraw phur motor leh passenger phur motor ten khawchhung duhna lai laiah an din lohna turin mahni huamchhungah VLTF-te'n hma an la anga. Hemi atan hian Vairengte, Bilkhawthlir, Kolasib leh Kawnpuiah te, hmun remchang laiah hruithlunga duty tur ani anga. Duty te'n motor kaltlang tur reng reng an kalna tur hmun an thlen hma chu ding khawmuang lo turin an lo hrilh thin ang.
- 5) Khawkar kawngah motor ding khawmuang an awm leh awmlah en turin Police bakah Jt.VLTF Mobile Team-te'n a tul angin Highway dung an fang thin bawk ang. Jt.VLTF din lohna khuaah chuan highway paltlang VLTF ten hma an la ang.
- 6) Vairengte leh Bairabi Checkgate-ah motor lo lut tur reng reng chu motor hmaah an kalna tur khua chiang

takin tar sak zel tur ani ang.

V. The Mizoram (Containment and Prevention of Covid-19) Ordinance, 2020 kenkawh dan chungchang :

The Mizoram (Containment and Prevention Of Covid-19) Ordinance, 2020 kenkawh dan tur chungchangah District Magistrate-in inkaihhraina a siam zulzuiin kalpui tur ani ang.

A chungah tarlante hi Kolasib District chhunga Mizoram Sawrkarin ni 4 - 17 May, 2020 inkara Lockdown kalpui dan tura thupek a chhuah kenkawh-na atana inkaihhraina a ni anga, Mizoram State sawrkar thuchhuah siam danglamna emaw thlakna emaw a ni lo.

Mitinin sawrkar thupek te zawm theuh tur a ni.

Inkharkhipna kalpui meka inkaihhraina dan siam danglam

Disaster Management & Rehabilitation Department in Order No B.13021/101/2020-DMR/Pt.III dt. 02.05.2030 a tihchhuah chu a hnuaia a mi ang hian tihdanglam a ni.

1. Clause F hnuaia sub-clause (5), sub-clause (6) leh sub-clause (8) te hetiang hian thlak a ni:
5) Mizoram chhung khaw kar kawnga passenger phur lirthei (commercial passenger vehicle) te tlan phalsak an ni ang. Heng lirtheite hi registration nambar 'odd-even' angin an intlan chhawk ang. Odd number lirtheite chu Thawhtanni, Nilaini leh Zirtawpni-ah an tlan anga. Even number lirtheite chu Thawhlehi, Ningani leh Inrinni-ah an tlan thung ang. Pathianni-ah chuan tlan phal a ni lovang. Passenger that theih zat atanga 50% chauh an phur thei ang.
6) Khawchhunga service bus, taxi, auto rickshaw leh two wheeler taxi te chu a chungah tarlan ang khian 'odd-even' angin nitin an intlan chhawk ang. Passenger that theih zat atanga 50% chauh an phur thei ang, two wheeler taxi tiam lovin. Tin, heng lirtheia chuangte hian hmai tuamna an vuah vek tur ani. Passenger te hman tur hand sanitizer an pai reng tur a ni.
8) Intlan chhawk hian duty nana hman sawrkar hnathawkte motor, LLTF/VLTF duty-te lirthei, ambulance leh medical emergency-a hman motor te, Print & Electronic media mi te motor, bawhlawh paih motor, bawnghnute phurh/semna motor-te a huam lovang.
2. Clause G hnuaia sub-clause (7) chu hetiang hian thlak a ni:
7. Ram pawn atanga lo lut mikhualte tumahin thlen (mikhual) phal a ni lo. Hei hian Home Department emaw DC-te phalna neite a huam lovang.

In enkawl damna aiin inven nan hun, tha leh sum sen a tlem zawk.

Inkharkhip kalpui chhunzawm dan tur relin Kolasib DLTF on Covid-19 thukhawm

Tomir thla ni 5, 2020 chawhma khan DC Conference Hall, Kolasib-ah Dr H Lalthlanglana, Deputy Commissioner hovin District Level Task Force on Covid-19 te'n thutkhawmna hun an nei a. Lockdown chhunzawm leh chhung a khawtlang a inkaihhruai dan tur hrang hrangte sawi hona neih a ni.

Dr H Lalthlanglana chuan Mizoramah Covid-19 hri vei kan awm tawh lo ni a lang chu lawmawm a tih thu a sawi a, hun engemaw chen inkharkhipna kalpui a nih chhunga DLTF-te hmalaknaah lawmthu a sawi bawk a ni. Kolasib DC chuan Sawrkar ruahmanna angin ram pawn aṭanga lo haw, Vairengte Screening point paltlang chu ni 4.05.2020 thleng khan mi 926 an tlin tawh thu a sawi a, ramri a kal khan hmun 61-ah duty-na siam a nih thu te, Duty inchhawk a ngaih pawha inchhawk thei turin thalai 456 inziaklut an awm thu te a tarlang a. Kolasib district paltlanga ram pawn aṭanga mihring lo lutte chu Doctor leh Screening point-a duty ten uluk taka an endik vek thin thu a sawi bawk a ni.

Dr. H Lalthlanglana chuan, ram pawn aṭanga lo lut an awm mek zel avangin, dah hran leh enthlak chhung te nen chuan hun engemaw chen chu tha thlah lova fimkhur taka inkhuahkhirhna kalpui a ṭul dawn thu a sawi a, tupawh ramria duty-na hmun tlawh tumte chuan District thuneitute hnen a inhriattir a phalna lak a ngaih thu a sawi bawk a ni.

Pu Vanlalfaka Ralte, SP chuan Kolasib district chhunga hmun hrang hrangte chu, mipui pung khawm an awm lohna turin, nitin vil a nih tur thu te leh Sawrkarin inkaihhruaina a duan te inhrihlhriatna hun nei turin Mobile team siam a nih thu a sawi a. Inkharkhip chhunzawmna atana inkaihhruaina dan Sawrkarin a duan ah hian Police te leh VLF-te chu thawh hona ṭha tak hnuaia hmalak a pawimawh thu a sawi bawk a ni.

Kolasib DLTF thutkhawmah hian ramri venhim uluk zawk kalpui a nih theih nan Border Safety Monitoring Team din a nih thu tarlan a ni a. He team hian ramria duty-na hmun zawng zawng tlawh chhuakin an thil mamawh leh harsatnate a ngaihtuah sak dawn a ni. Kolasib district chhunga bungrua him zawk a chah thlen dan tur te, lirthei intlan chhawk dan tur leh a chuang thei zat tur te, inkharkhip chhunga kaihhruaina dan bawhchhia inhrem chungchangte ngun tak a sawiho a ni.

(Phek 1-na zawmna)

5. Phalna nei lova ramri kân - ₹ 5,000/-
6. Quarantine-na hmun pumpelth tum - ₹ 3,000/-
7. Quarantine na hmun aṭanga tlanchhuak - ₹ 1,000/- aṭanga ₹ 5,000/-
8. State emaw Central sorkarin a covid-19 thuchhuah chungchang ngaipawimawhlo emaw zawmlo - ₹ 1,000/-
9. Covid-19 vei te phalna lova an hming, thlalak leh nihna lo tlangzarh - ₹ 5,000/-

Mipuite i fimkhur theuh ang u.

dam tawh hnua pawh hun rei tak an la cham bang a; chuvangin Covid-19 Rapid Test hian Kit hian a la man chhuak leh fo thin bawk. Covid-19 hi natna thar a nih avangin antibody kan taksa a awm chhung pawh zirchianna engmah a la awm lova, chuvang chuan antibody awm chhung chu Covid-19 Rapid Test Kit hi a Reactive dawn a ni."

Home Deptt-in phalna a pekte tan lo chuan Mizorama luh khap a ni.

Disaster Management & Rehabilitation Secretary Pi Lalbiakangi chuan a hnua ami ang hian ram pawn aṭanga Mizorama rawn luh chungchang thupek a chhuah.

"Ministry of Home Affairs Order No. 40-3/2020-DM-I(A) dated 01.05.2020-in inkharkhipna (lockdown) chu chawlhkar hnih atan a pawhsei angin, Mizoram chhungah pawh he inkharkhipna hi ni 17.05.2020 thleng kalpui leh turin Chaiman, State Executive Committee, State Disaster Management Authority, Mizoram chuan ni 02.05.2020 khan Order a tichhuak a. He inkharkhip hun chhunga hman tur inkaihruaina pawh he Order No. B. 13021/101/2020-DMR/Pt.III dated 02.05.2020 ah hian tarlan nghal a ni.

Inkharkhip hun chhung hian Mizoram border zawng zawngte, mamawh chawkluhna luhka tana ruat bik Vairengte, Bairabi leh Kanhmun tih loh chu khar vek a la nih dawn avangin, Home Department-in a bika phalna a pekte tan lo chuan State pawn aṭanga lo luh pawh khap tlat a ni. Mizoram chhungah pawh tul bik thil ah lo chuan zin vei vah phal a ni lo.

Chuvangin, mipuite zin veivak lo tura ngen leh hriattir an ni. Tin, mikhual thlen leh neih pawh phal a ni lo. Ramri a luhka khar mek te chu khar chhunzawm zel a nih avangin, phalna nei lova lo luh tumte reng reng te chu ramria dan an ni ang."

Covid-19 Rapid Antibody Test chungchanga mipuite hriattur pawimawh

Covid-19 Rapid Antibody Test Mizorama hman mek chungchanga mipuite hriattur pawimawhte Dr Pachuau Lalmalsawma, Official Spokesperson for COVID-19 chuan a hnua ami ang hian a sawifah.

"COVID-19 Rapid Antibody Test hi thisena Covid-19 hnuhma a awm leh awm loh test-na a ni a. Natna hrik kan taksa a lo luh hian kan thisenah antibody a insiam thin. Chutiang chiah chuan Covid-19 hrik miin a kai pawhin a lo do lett antibody kha a taksaah insiamin, chu antibody man chhuak tur chuan Covid-19 Antibody Test kit hi hman thin a ni.

Covid-19 hrilen aṭanga hun rei lote chhungin Covid-19 Rapid Test Kit-ho hi taksa antibody hmuh-chhuahnan chi hrang hrang rang taka siam chhuah a nih avangin endikna hun pawh a chep hle a.

Natna dang vanga taksa Antibody dang awmin Test Result fel fai taw lo a siam theih avangin a Covid-19 test-na khawlpui hmanga finfiah leh a ngaih chang a awm thei. Heng hunah hian Zoram Medical College-a Covid-19 Testing Laboratory chu tun hnaiah pawh hman niin Lawngtlai, Mamit leh Aizawl District aṭanga Rapid Test Result felfai tawklote chu an Negative tih finfiah leh an ni.

Rapid Antibody Test tih hnua RT-PCR khawla test ngai hi a awm zeuh zeuh ngei ang. Hetiang hunah hian Covid-19 Positive a lo inngaih mai tur a ni lo. Rapid Antibody Test Kit-ho hi ngialngan taka mimalah natna Confirm-na tura duan a nih loh avangin tuman lo chi-ai nan hman loh tur a ni.

Taksa natna dotu (Antibody) hi damlo 🐾